

7. november 2013

UKA 2013/64
Lars Mathæussen

Soraarnerussutisiaqarluni ukiut angunerini annertuumik innarluutillit ikiorserneqar-nissaat pillugu maleruagassat tunngavigalugit pisinnaatitaaffiisa annaaneqanngin-nissaanut isumannaarinninnissamut, Naalakkersuisut peqquneqarnissaannik Inatsi-sartut aalajangiiffigisassaattut siunnersuut.

(Inatsisartunut ilaasortaq Agathe Fontain, Inuit Ataqtigiit)

Inatsisartunut ilaasortap Inuit Ataqtigiinneersup Agathe Fontain, siunnersuutaa pillugu Siumumiik ima oqaaseqassuugut.

Nunatsinni innarluutillit sullinneqarnerat sullinneqartumut pitsaasumik ingerlasoq inger-laannassasoq Siumumiik isumaqarpugut.

Innarluutillit 65-nik ukioqaleraangamik utoqqalinersialinnut nuuttarnerat pinngitsoorani inummut pineqartumut assigiinngitsutigut, pineqartullu paasiuminaatsittagaa qularnanngi-laq, imaammami pineqartoq innarluuteqanngitsutut pineqalersarmat.

Siunnersuuteqartup siunnersuutaa paasilluarlugu innarluuteqartumullu oqinnerussasoq isumaqarpugut atoriikkat ingerlaannassasut, pisariaqartuassammami pineqartup pisari-aqartitai ineriartortitaasimasut maanngaannaq unittutut pissanngimmata.

Siunnersuuteqartup pingaartikkaa isumaqarpugut innarluutillip utoqqalilernerme atugai oqi-maannerulissanngitsut.

Taamaammat siunnersuuteqartup Agathe Fontain-ip Inuit Ataqtigiinneersup siunnersuu-taa Siumup Ilaqutariinnermut Peqqissutsimullu Ataatsimiititaliami ilaasortaasa ataatsimiiti-taliamut ingerlaqqissasoq siunnersuutigaat.